



BASHKIA
TIRANË

REPUBLIKA E SHQIPËRISË
BASHKIA TIRANË
AGJENCIA E SHËRBIMEVE FUNERALE

Nr.192/ 2 prot.

Tiranë më 10.03.2020

NJOFTIM PËR VEND TË LIRË PUNE

Në mbështetje të Ligjit nr.139/2015, datë 17.12.2015 “Për vetëqeverisjen vendore”; Ligjin nr. 7961, datë 12.07.1995 Kodi i Punës i Republikës së Shqipërisë (të ndryshuar), Urdhërit të Kryetarit të Bashkisë Tiranë nr.3717/2, datë 01.02.2017 “Për miratimin e strukturës dhe organikës së Agjencisë së Shërbimeve Funerale, njësi në varësi të Bashkisë Tiranë” (të ndryshuar), Agjencia e Shërbimeve Funerale shpall procedurat e konkurimit për vendin e lirë të punës për pozicionin:

1 (një) Përgjegjës Varrezash për 13 Njësitë Administrative– Kategoria e pagës III-b

Përshkrimi përgjithësues i punës për pozicionet si më sipër është:

1. Organizon kryerjen e shërbimeve të pastrimit, mirëmbajtjes së varrezave në Njësitë Administrative.
2. Organizon punën për punonjësit që kanë në varësi, sipas parashikimeve në rregullore.
3. Përgjigjet për bazën e materialeve të furnizuara nga institucioni për mbarëvajtjen e punës.
4. Përgjigjet për kryerjen e çdo zhvarrimi të të ndjerëve pa marrë miratim nga drejtoria për zhvarrim eshtrash dhe pa kaluar koha e prehjes që parashikon ligji.
5. Përgjigjet për kryerjen e çdo rivarrosje të eshtrave të ardhura nga rrethet e tjera pa marrë miratim nga drejtoria për pranim eshtrash.
6. Përgjigjet për kryerjen e çdo rezervim të vendvarrimeve në kundërshtim të ligjit dhe akteve nënligjore në fuqi për “Administrimin e shërbimit të varrimit” dhe pa miratim të drejtorisë.
7. Përgjigjet për dëmtimin ose përdorimin e infrastukturës brenda territorit të varrezave si të shesheve rrugëve kryesore apo dytësore për varrime.
8. Ndjek konsumimin e materialeve, sipas normativave të miratuara dhe çdo muaj raporton në sektorin ekonomik dhe në drejtori mbi gjendjen e materialeve.
9. Kontrollon dhe disiplinon punimet e ndërtimit të varreve që kryhen nga subjektet private brenda territorit të varrezave publike, sipas Ligjin nr.9220, datë 15.04.2004 “Për administrimin e shërbimit të varrimit” (ndryshuar me ligjin Nr.80/2014); Vendimin e Këshillit të Ministrave nr.711, datë 29.10.2014 “Për miratimin e rregullores “Për administrimin dhe funksionimin e varrezave në territorin e Republikës së Shqipërisë” dhe V.K.M nr.712, datë 29.10.2014 për miratimin e rregullores teknike ”Për projektimin dhe ndërtimin e varrezave në territorin e Republikës së Shqipërisë” dhe aktet e tjera nënligjore të dala në zbatim të tij.

10. Përgjegjësi për punë të kryera pa miratim nga Drejtoria.
11. Merr masa për sigurimin teknik në punë të punonjësve të sektorit.
12. Plotëson listeprezencën e punonjësve të sektorëve që drejton dhe e paraqet në sektorin ekonomik në datën e fundit të çdo muaji.
13. Përgatit raporte mujore (pasqyra të volumeve të punëve) për të gjithë aktivitetin e kryer në sektor dhe e paraqet në drejtori në fund të çdo muaji.

1. KUSHTET QË DUHET TË PLOTËSOJË KANDIDATI NË PROCEDURËN E PRANIMIT DHE KRITERET E VEÇANTA

Kushtet që duhet të plotësojë kandidati në procedurën e pranimit për pozicionin specialist inxhinier ndërtimi janë:

- a) Të jetë shtetas shqiptar;
- b) Të ketë kryer arsimin e lartë;
- c) Të ketë zotësi të plotë për të vepruar;
- d) Të zotërojnë gjuhën shqipe, të shkruar dhe të folur;
- e) Të jetë në kushte shëndetësore që e lejojnë të kryejë detyrën përkatëse;
- f) Të mos jetë i dënuar me vendim të formës së prerë për kryerjen e një krimi apo për kryerjen e një kundërvajtjeje penale me dashje;

Kandidatët duhet të plotësojnë kriteret e veçanta si vijon:

- a) Të zotërojnë minimalisht diplomë të nivelit “Master Profesional” ose Diplomë e barazvlefshme me të sipas legjislacionit të arsimit të lartë, në shkencat inxhinieri ndërtimi/ juridike/ekonomike/.
- b) Të ketë përvojë pune jo më pak se 5 (pesë) vjet në profesion;
- c) Përdorues shumë i mirë i paketës MS Office.

2. DOKUMENTACIONI, MËNYRA DHE AFATI I DORËZIMIT

Kandidatët që aplikojnë duhet të dorëzojnë dokumentat si më poshtë:

1. Kërkesë për aplikim (me shkrim dore);
2. Curriculum Vitae (jetëshkrimi);
3. Fotokopje e diplomës së shkollës dhe lista e notave e noterizuar (përfshirë edhe diplomën bachelor);
4. Fotokopje e kartës së identitetit;
5. Çertifikatë e përbërjes familjare;
6. Çdo dokumentacion tjetër që vërteton trajnimet, kualifikimet, arsimim shtesë, vlerësimet pozitive apo të tjera të përmendura në jetëshkrimin tuaj;
7. Fotokopje e librezës së punës (të gjitha faqet që vërtetojnë eksperiencën në punë);
8. Motivacioni i largimit nga puna e fundit (nëse është i punësuar ose ka qënë i punësuar);
9. Raport mjeko-ligjor;
10. Vërtetim i gjendjes gjyqësore;
11. Dy fotografi (përmasa 2.5x3.5 cm)

Dokumentat duhet të dorëzohen me postë apo drejtpërsëdrejti në zyrën e protokollit të Agjencisë së Shërbimeve Funerale brenda datës **23 Mars 2020**.

3. REZULTATET PËR FAZËN E VERIFIKIMIT PARAPRAK

Në datën **26 Mars 2020**, Njësia e burimeve njerëzore në Agjencinë e Shërbimeve Funerale do të shpallë në portalin “Shërbimi Kombëtar i Punësimit”, në faqen e internetit të Agjencisë dhe standat e informimit të publikut, listën e kandidatëve që plotësojnë kushtet dhe kriteret e veçanta për procedurën e pranimit si dhe datën, vendin dhe orën e saktë ku do të zhvillohet intervista. Në të njëjtën datë kandidatët që nuk i plotësojnë kushtet e pranimit për pozicionin e lirë të punës dhe kërkesat e posaçme do të njoftohen individualisht (nëpërmjet adresës së e-mail), për shkaqet e moskualifikimit.

4. FUSHAT E NJOHURIVE, AFTËSITË DHE CILËSITË MBI TË CILAT DO TË ZHVILLOHET INTERVISTA

Kandidatët do të vlerësohen në lidhje me njohuritë në:

- a. Ligjin nr.9220, datë 15.04.2004 “Për administrimin e shërbimit të varrimit” (ndryshuar me ligjin Nr.80/2014).
- b. Vendimin e Këshillit të Ministrave nr.711, datë 29.10.2014 “Për miratimin e rregullores “Për administrimin dhe funksionimin e varrezave në territorin e Republikës së Shqipërisë”.
- c. Vendimin e Këshillit të Ministrave nr.712, datë 29.10.2014 për miratimin e rregullores teknike ”Për projektimin dhe ndërtimin e varrezave në territorin e Republikës së Shqipërisë”.

5. MËNYRA E VLERËSIMIT TË KANDIDATËVE

Kandidatët do të vlerësohen në lidhje me dokumentacionin e dorëzuar:

Kandidatët do të vlerësohen për përvojën, trajnimet apo kualifikimet e lidhura me fushën, si dhe për vlerësimet e rezultateve individuale në punë. Totali i pikëve për këtë vlerësim është **40 pikë**.

Kandidatët gjatë intervistës së strukturuar me gojë do të vlerësohen në lidhje me:

- a- Njohuritë, aftësitë, kompetencën në lidhje me përshkrimin e pozicionit të punës;
- b- Eksperiencën e tyre të mëparshme;
- c- Motivimin, aspiratat dhe pritshmëritë e tyre për karrierën. Totali i pikëve për këtë vlerësim është **60 pikë**.

6. DATA E DALJES SË REZULTATIT DHE MËNYRA E KOMUNIKIMIT

Në përfundim të vlerësimit të kandidatëve, Njësia e Burimeve Njerëzore do të njoftojë ata individualisht në mënyrë elektronike për rezultatet (nëpërmjet adresës së e-mail). Njësia e

Burimeve Njerëzore do të shpallë fituesin në faqen zyrtare të Agjencisë, në portalin “Shërbimi Kombëtar i Punësimit” dhe standat e informimit të publikut.